

علوم اقتصادیه و اجتماعیه

مجموعه علم

هر آیت برنجی کونی نصر اولنور

مؤسسی :
احمد شعیب ، رضا نوقیو ، محمد هاروب

مندیجات :

روسیه : احمد شعیب . — بودجه . — بکر منجی مصرده
مسئله اقتصادیه : حسن تحسین . — استقراضات . —
فرانسه اختلال کبیری : احمد شعیب .

مدیر و صاحب امتیازی :

محمد هاروب

امور اداره و تحریریه : نور عثمانیه جوارنده طنین اداره خانه سی

نسخه سی : ۱۰ غروش

استانبول

باب عالی جاده سنده هلال مطبعه سی ، نومرو ۶۶

استقراضات

— مابعد —

ایستدیکمز مهلت یعنی دینک بش آلتی سنه‌لک بر زمان ظرفنده تأدیه‌ی اصولی قبول ایدیلشدر . مع مافیه صیتی بر بحرانک بش آلتی سنه ایچنده یکمسی ممکندر . بناءً علیه بالخاصه رقیب قومشولره مالک اولان دولتلر بواصول ایله استقراض عقد ایله ممکن اجتناب ایتمه‌ایدرلر . یالکز هر سنه کوچوک بر مقدار تأدیه ایدیلک و وعده‌لر بردن حلول ایتمه‌مک شرطیله بواصوله مراجعت اولونایلیر .

ایشته بورایه قدر ویردیکمز تفصیلات استقراضات عمومیه ایله خصوصیه آراسنده بورجک زمان تأدیه‌سی نقطه نظرندن نه قدر بویوک بر فرق اولدیفنی اظهار ایتمشدر . شیمدی ده یوقاریده ذکر ایتدیکمز دیگر ایکی فرقی تدقیق ایدم‌جکمز :

افراد آره‌سنده وقوع بولان استقراضاتده اقراض اولونان مبالغ بالآخره استرداد ایدیله‌جک مبلغه مساوی اولدیفنی کی داینه ارانه ایدیلن منفعتده غایت واضح یعنی یوزده ۴۵ کی بر فائضدن عبارتدر . حال بوکه دولتلرک عقد ایتدیکمز استقراضاتده حقیقه استقراض اولونان مقدار بالآخره اعاده ایدیله‌جک مقداردن دون اولدیفنی کی داینه فائضدن ماعدا اکرامیه کی بر منفعتده ویریلیر . عجبا بومشوش اصوللری اختیار ایتمکدن مقصد نه‌در ؟ و دولته بونده بر فائده وارمیدر ؟

دوئسبارك عقد ايتدكلى استقراضات ايچين اخراج ايله دكلى
تحويللارك قيمت حقيقه سى Réel قيمت اعتباريه سنه Nominal مساوى
دكلدر. تحويللارك اوستمه محرر قيمت قيمت اعتباريه در ، دولت مثلا
۶۰۰ ليرا قيمت اعتباريه لى تحويللارى بياسيه ۸۵ ، ۹۰ ليرايه — اعتباريه
كورده — وضع ايدر. اصل قيمت حقيقه بوزر. فرض ايدم كه يوزده
بش فائضى و يوزى ۸۰ اولق اوزره بر استقراض عقد ايدىلى .
بوراده مقرضلر ۸۰ غروشه مقابل ۱۰۰ غروشلى بر سندن آليورلر ،
يعنى دولت استقراض ايتديكى ۸۰ غروشه قارشى بالاخره ۱۰۰ غروش
تأديه ايتمهك تعهد ايدىور . بونك نتيجه سى اولارق فائضى مقدار
حقيقه سى ده يوزده بش اولمايوب دها زياده در . چونكه مقرض اقراض
ايتديكى ۸۰ غروش ايچين بش غروش آليور . بوندن ۱۰۰ غروش
فائضى آرايه جق اولورسوق $\left[\frac{100 \times 100}{80} = 125 \right]$ اولديغنى كورورز .
بر استقراض حقنده يالكز فاعراً كوستريلن مقدار فائضى نظر دقه
آلارق حكم و يرمه يوب تحويللارك قاج غروشه ميدان تداوله وضع
اولونديغنى آكلادقندن صوكرا بيان مطالعه ايدنله ايدر . دولتلر تحويللارى
قيمت محرره لريله چيقاريلرسه بوكا باشه باش aupair چيقاريلش تحويللار
دينيليركه بوكون بوضورتله بر استقراض عقدينه بك نادراً تصادف ايدىليور .
بوتقديرده استقراض ايديله ن مبلغه اعاده ايديله جك مبلغه مساوى
اولديغندن Prime موجود اولماز . انكلتره ۱۷ نجى عصردهكى استقراضاتى
هپ بوضورتله باشه باش اولارق عقد ايتمش و بوسايده بالطبع ديون
عمومه سى يكونى ترايد ايتمه مشدى . بالاخره انكلتره ده بوندن وارچكرك
استقراضات عقد ايله مكه باشلامشدر . قوشوال قلازنى آمورتيسمان
عنوائلى ارنده بوكا سيب اولارق شونى ارايه ايدىور : اوچنجى كييومك

زمان حکومتده مقدار فائضك تحیدینه دأر اولان قانونلر کال شدتله تطبیق ایدیلکده ایدی . دولت ایسه بو مقدار فائضله استقراض ایدمه دیکی کبی قانونك احکامنده تجاوز ایتك ایسته مه یوردی . بوندن دولایی ابتدا مقرضله تالی بعض منفعتلر تأمین ایتدی ، بجائاً بر لوتاریا بیتی ویردی ، نهایت آهریقا محاربه سندن صوکر ا برمله استقراض عقد ایتکه باشلادی . دولت قانونه مخالف حرکتی بو صورتله اورتیور ، عادتاً مراجحه جیلردن استقراض ایدن افرادی تقلید ایله مش اولویوردی . دولتری بو پریمی استقراض عقدینه سوق ایدن ایکنجی بر سنبده مقرضلرک بوتقدیرده ده ا دون بر مقدار فائضه موافقت ایتملری امیدیرکه بونده هیچ آلدانیلامشدر . فی الحقیقه دولت یوز سکسانه اولمق اوزره بر استقراض عقد ایدنجی مقرض آلاچقك حین تأدیه سنده کندیسنه سکسان غروشه مقابل یوز غروش ویریه جکئی دوشونهرک طیبی نقصان بر فائضه موافقت حتی دولت بورجك تأدیه سی ایچین بر مدت تعیین ایتمه مش ، بوباده حق اختیارینی محافظه ایله مش اولسه بیله ینه مقرضلر قیمت اعتباریه سی قیمت حقیقه سندن فضله اولارق میدان نداوله اخراج ایدیلن تحویلاتك بورسده فضله بر قیمت احراز ایدم جکئی ، بو صورتله کندیلرینك آراده کی فرقدن مستفید اولاجقلرینی دوشونهرک استقراضه قید اولونورلر . حال بوکه بر دولت استقراض تحویلاتی باشه باش اولارق وضع ایدنجی بوراده فائضدن باشقا بر منفعت موجود اولاماز . چونکه باشه باش تحویلاتك قیمتی بر صورت مقادیه ده تراید ایدمه من .

ایشته دولتری شو مشوش اصول ایله استقراض عقدینه مجبور قیلان اسباب بونلدر . بوسایده فائضك آزلغندن دولایی استقراضك

بار معجلی تخفیف ایدیلپورسده بوکا مقابل استقباله آغیر بر یوک تحمیل اولونوبور . بعضیلری باشه باش اخراج ایدیلجک تحویلاته مشتری بولوناما یا جفتی سویله یورلرسده بو ادعا دوغرو دکلدر . صوک قرق الی سنده ظرفنده دولترک باشه باش استقراض ایتدکری کورولمشدر . بوبابده موفقیت حصولی ایچین مقرضلره مناسب بر مقدار فائض ویریلر سی و تعیین ایدیلجک سکرز اون سندن عبارت بر مدت ظرفنده بومقدارک تنقیص ایدیلر سی کفایت ایدر . ۱۸۹۵ ده عقد ایدیلن یوزده دیرت فائضی چین استقراضی — ۴۰۰ میلیون — ۹۹ و ۲۰ ایله میدان تداوله وضع ایدیلدیکی کبی ۱۸۹۸ ده عقد اولونان ۱۲۴ میلیون یونان استقراضی ده (انکلترة ، فرانسه و روسیه نك کفالتیله) یوزده ۲۰ و ۵ فائضی بهردن یوقاری اولارق (۱۰۰ ، ۵۰) میدان تداوله اخراج اولونمشدی .

آمریکا برده استقراض ایتک قاعده سندن پک آز انحراف ایتمشدر . اگر آمریکا حکومت متحده سی سر بسنجه یوزده ۶ ، ۰۳ ، ۷ ، ۳۰ ، ۷ فائضله فقط باشه باش اولارق استقراض عقد ایتیهوب آروپا دولتری کبی یوزده اوچ فائضله فقط یوزی ۴۰ ، ۵۰ به اولارق استقراض عقد ایتسهیدی بوکون بورجنی اطفا ایدیهیلر میدی ؟ زمانزده اکثر دولترک اطفا دیون ایدمه مملری ایکی خطالره قربان اولدقلرندن یعنی اسکیدن آلینان ۶۰ غروشه مقابل ۱۰۰ غروش ویرمک مجبوریتنده بولونمالرندن ناشیدر .

بر دولت استقراضی باشه باش اولارق عقد ایتیهنجه عجبا بهردن پک اوزاق بر فئات ایله می یوقسه اوکا قریب بر فی ایله می عقد ایتیه می ده ا موافقدر ؟ شیدی به قدر ویردیگمز ایضاحات اکلا شیلشسه البته یوزده بش فائضی و یوزی طقسان سکرز اولان بر استقراضی یوزده اوچ فائضی

وبوژی الی اولان براستقراضه ترجیح ایده جگمزه شبه اولوناماز، پهره یقین وفائضی زیاده اولان تحویلاتک طسالبری حقیقی سرمایه دارلردر، دیگر تحویلاته رغبت کوستره نلر ایسه هوا اویونجیلریدر. دولت البته برنجیلری ایکنجیلره ترجیح ایتمه لیدر.

مع مافیه بعضیلری دولتمک بورجی اطفا ایتمک مجبور اولمادیقنی، ثروت عمومیته نک ترایدی و آلتون قیمتک تناقصی حسیله مملکتک دیون عمومیته نک تحمیل ایتمک باره هر زمان متحمل اولاجقنی ادعا ایدسیورلر. بوا دعائماً مقارن حقیقت اولاماز. فی الحقیقه ثروت عمومیته تراید ایتمه ییدی، آلتون قیمتدن دوشمه سیدی بوگون بعض دولتمک افلاس ایتمه لری لازم کلیدی. فقط تراید و تدنی هر عصرده عین نسبتده وقوع بولماز. بناءً علیه ماضییه و حاله نظراً استقبال حقنده حکم ویریه مز. برده یوقاریده سویله دیگرمز وجه ایله تأدییه دین ایتمک بر دولت ایچین غایت مدبرانه، احتیاطکارانه بر حرکتدر.

بورایه قدر ویردیگمز تفصیلات دیون مؤبدنه تحویلاتنه متعلقدی. شیمیدی ده موقت کشیده لرله اطفا اولونان تحویلات اخراجله عقدایدیلن استقراضانده مقرضله تأمین قیلینان منافع سائر حقنده بر قاچ سوز سویله یلم: بونوع استقراضاتی ده دولت بریمله عقد ایدر. مثلاً ۵۰۰ فرانقلق استقراض تحویلی ۴۰۰ فرانقه میدان تداوله اخراج ایلر. بوتقدیرده مقرضلر آلاجلری قاضک مهم بر مقدارندن واز کچرلر. دولت ده متضرر اولماز. زیرا بواسقراضک زمان اطفا سی معلوم اولدیقندن غایت دوغرو بر حساب ایله حرکت ایدیلر؛ آلداتماز. عادتاً مقرضلرک فراغت ایتمک لری مقدار قاضدن بر سرمایه تشکیل ایدمک اوزره دولته اقراض ایدیلش عد اولونور.

بعضاًده بوعادی پریمردن ماعدا برده اكرامیه ویرایره اكر مقرض ویردیکی سرماییهی برکون مطلقاً استرداد ایدیه جکسه ، اقراض ایتدیکی مبالغ ایچین سرماییه پیاسه سنك تعیین ایتدیکی فیئادتن ولودون اولسون، بر فائض آلا جکسه ، اكرامیه لك مقداری ده جسیم ثروتلر درجه سنه بالغ اولمایوب ۵۰ ، ۱۰۰ ، ۱۵۰ بیک فراتق راده سنده بولونورسه بوقرعه کشیده سی معامله سی تجویز اولونور . زیرا بوراده مقرض سرماییه سی غائب ایتیه نور . یالکیز بوسرماییه مقابل آلا جنی فائضك بر قستی نومرو سنه بویوك بر مبلغ اصابت ایتیه سی احتماله منبی ترك ایدیوره . بو طرز حرکت بالخاصه جمعیتك صنوف عادییه سی افرادینی تصرفه تشویق وتشجیع ایدر . دولتك ده یوقاریده اثبات ایتدیكمز وجه ایله ، سنه فائضدن قازانا جنی مقدار اكرامیه اولارق ویره جکی مقداردن پك زیاده اولور .

قانون شناسان ایله اخلاقیون بونوع استقراضاتك علمینده بولونویورلر . اخلاقیون « سعیدن باشقا بر صورتله زنکین اولقی احتمالی موجود اولنجه خلقه فساد اخلاق تخمی اکیلش اولور . » دیورلر . فقط بوجهله ده افراط واردر . معاملات بشریه ده سسی و نصرفك ، مهارتك حکمران اولدیقی انکار ایدیه مملکه برابر تصادفنه ، طالعك ده پك بویوك بر موقعی حار اولدیقی انکار ایدیه مهیز . مقدرات بشریه اوستندن بو عنصرك تأثیرینی القا ایله مك ممکنیدر ؟ بر اراضی بعض احوال اجتماعیه دولایسبله اون بش یکر می مثل قیمت کسب ایتدکده ایکن نیچین بر زوالی آدم بر تصادفك اثری اولارق حیاتنده عظیم بر تبدل حصوله کلیدیکنی کورمکدن محروم اولسون ؟ جمعیت تصادفه اکتساب ایدیلن ثروتلرله مالا مالدر . بو تصادفی ثروتلر آراسنده بر قاچ ضرورت زده نك قرعه ایله قازانیلش سرمایهلری ده بولونماسنده نه باس واردر ؟ بشریتك فقیر و مضطرب قسمنك بر قرعه

کشیده سی کچه سنده مذهب املرله مشغول اولماسی ؛ هیچ اولمازسه بش
اون ساعتق حیاتی پارلاق رؤیالرك آغوش تسلیتنده کچیرمه سی نه دن
اخلاقه منافی اولسون ؟ قرعه اصابت ایتمه نیجه بواملر قیریلوب پارچه لانه جق .
بر ، ایکی آی صوکرا ینه تجدد ایده جکئی و باخصوص بو آمال
شکسته نك تولید ایلهدیکی یأس و خسرانك هیچ بوقت هر امیدلره غلبه ایده جك
درجه ده کثیف اولمادیغی سویله به بیلیرز . بو بؤك اکر امیه لرك بر چوق
آدملری چالیشقمدن منع ایتدیکی حقنده کی ادعاده صحیح دکلدر . بالعکس
اولجه تصرف ایتمه یه ن آدملر اکر امیه اصابت ایده جك بر تحویل آلمق
ایچین تصرف ایدرلر و یاواش یاواش آلیشه رق ثمره تصرفلرینی شرکتلره
اقراض ایتمکده باشلارلر .

قانون شناسانك دلیللری ده قوتلیدر . « اکثر ممکتلرده قانون لوتاریایی
منع ایتدیکی حالده دولتر کندیلری بو ممنوعیت قانونیه خلافتده حرکت
ایدیورلر . » فی الحقیقه لوتاریا اکثر یرلرده ممنوعدر و بو ممنوعیت پك
مصیدر . زیرا اولاً بونلرك کثرت تکراری و وضع اولونان شئك آرنلی
عمله طاقنك بوتون تصرفاتی بلع ایدیور . ایستایده لوتاریا کشیده سی
کونلرنده بعض شهرلرده اکمک استهلاکاتنك تناقص ایتدیکی مثبتدر .

ثانیاً لوتاریاده بازکیه ایله افرادك استفاده سی مساوی اولمایوب برنجیسی
آرسلان حصه سی آلیور ؛ افراد ایسه قویدقلرینی بر ایکی کیشنك
منفعتنه اولارق کاملاً غائب ایدیورلر .

قرعه لی استقراضانده بویه دکلدر . تحویلات اصحابی هیچ برشی غائب
ایتمز ، النده کی سندای پیاسه ده هر آن تقده تحویل ایده بیلیر . بواصولك
خاصه میزه سی هر سنه فائضه تخصیص ایدیلن مبلغ تماماً فائض نامیله
مقرضلره و یرله جك یرده بونك جزئی بر قسمی آریلار ق قرعه ایله کشیده

اولوناجق تحویلاته اکرامیه نامیله وریله سیدر . هر حاله اکرامیه لره
آریلان مبلغ استقراضك فائض سنوینك سـكـزده ، اونده برندن
خضله اولمایدیر . مثلاً فائض یوزده درت ایسه اکرامیه لره مخصوص
مقدار یوزده ۵۰، ۴۰، اولمایدیر .

اكر قرعىلى استقرضات بوصوله عقد ايديله يوب اكراميه لر فائض سنوينك مهم بر قسمتى بلغ ايده جك و فائضى تنقيص ويا الغا ايله جك صورتده عقد اولونورسه ، كشيده لر بك صبق وقوع بولورسه ، قوپونلر يك كوچوك يعنى ۳۰،۳۰۰ فرانقل اولورسه ، اكراميه لرده ۲۰۰،۳۰۰ ۵۰۰،۸۰۰ بيك فرانق راده سنه چيقارسه اوزمان محذور وتهلكلر بوز كوستر .

قرعه کشیده می معاملاتك نظام آلتہ آلتہ می ، سوء استعمالات ، وقوعی منع ایچین افرادك بوكی امور اجرا ایتہ سنہ مساعدہ اولوناماسی ، بونحویلاتك دائماً ، مملكتك حالتہ كورہ ، فاضلی اولماسی ، اكرامیہ لرہ تخصیص ایدیلہ جك مبالغك فائض سنویسك اونده برندن فضلہ اولماسی ، اخراج ایدیلہ جك بونحویلاتك ۵۰، ۶۰، ۸۰، ۹۰ سنہ طرفندہ ہمہ حال و اس المالری اعادہ ایدیلہ سی ہر اكرامیہ ك ۱۰۰، ۱۵۰ بیك فرائقی تجاوز ایتہ می ، کشیدولرك بك صیق ، سندیہ درت بش دفعہ دن زیادہ وقوع بولماسی بو بابدہ رعایت ایدیلہ جك قواعد دندر . بونلرہ رعایت ایدیلرسہ اكرامیہ لی استقراضات مضر ، فنا عدا اولوناماز . بر آدمہ اصابت ایدہن اكرامیہ اونی زنکین ایتز ، یالکز صرفہا یشادیر ، فقط بو نتیجہ ایستحصال ایچین برچوق کیسہ لر تصرف ایدرلر . بو صورتلہ مملكتك تصرفاتی آرتار .

قرءلى ، اكرامىلى استقراضاتك بومخزورى بنوساياهده ايكي اوج

میلیارلق جسم بر استقراض عقدنده کی عدم امکان دره یوقاریده سویلدیکمز
وجه ایله بر نوع استقراضک اساسی مقرضک محتمل بر کاره منبی فائضک
برمقدارندن فراغت ایتمه سیدر. حال بوکه بوفراغت آنجاق کوچوک سرمایه لر
ایچین واقع اولایلیر. بر سرمایه دار سرمایه سنک کتیره جکی فائض تمامنه
محتاج اولدیفندن بوسرمایه بی کاملاً بویله آرفائضی وکاری شبهلی کاری
اموره وضع ایدمه ضرر. بناءً علیه دولت ده بوسایده محتاج اولدیفنی مبالغ
جسمینی تدارک ایله مکدن عاجز قالیر.

۵

استقراض تحویلاتی تاخیر اضرار ایملیر ؟

دولتک عتمد ایدمه جکی استقراض تحویلاتی موقع تداوله وضع ایتمه سی
ایچین مختلف اصوللر واردر: بعضاً دولت بانکرلرله اویوشارق آرارلنده
تقرر ایدن بر فیثات مقابلنده استقراضی بونلره ترک ایدر؛ بونلرده
کار وضرری کنیدیلربنه عائد اولمق اوزره تحویلاتی اهایله ساتارلر.
بعضاً دولت دوغروندن دوغرویه اهایله مراجعت ایدر؛ شرائطی تعیین
ایتدکدن صوکر... کونده مراجعت اولونماسنی وسائط لازمه ایله اعلان
ایلر. بعضاً دولت رانت سنداتی دوغروندن دوغرویه بورسده
وطشره لرده مال صندوقلرلنده ساتار.

برنجی اصولده دولت اولاستقراضی کاملاً وضع ایدمه جکندن امین
اولور، ثانیاً بانکرلر استقراض ایدیلدن مبالغی بشیناً ویره جکندن
دولت محتاج اولدیفنی پاره بی تماماً یاخود بونک بویوک برقتنی الده ایدر.
ثالثاً سرمایه بازارینک شرائطی بانکرلرده ای بیلدکندن دولت استقراض

تحویلاتی قاچا چیقاره بیله چکنه دأر دها ابی معلومات آلیر و مزایده اصوله مراجعت ایتدیکی تقدیرده بانکرلرک آزارلنده اجرا ایده چکلری رقابتدنده مستفید اولور . بواصولک محذوری حکومتدن آلیان فیئات ایله اهالی به ویریلن فیئات آراسنده کی فرق عظیمدن عبارت اولان مهم بر استقرونطونک بانکرلرک لنده قالماسیدر . اعتبارلری محدود و شبهه لی اولدینی حالده مستعجل بر احتیاجلری اولان دولتر بو طرز استقراضه مراجعت ایدرلر .

بواصولده ایکی به انقسام ایدر: یادولت مزایده به مراجعت اینکسزین بانکرلرله بر مقاوله نامه عقد ایدر ؛ یا خود ... کون بانکرلر طرفندن وقوع بولاجق تکلیفاتی استماع ایده چکنی اعلان ایده رک مزایده به مراجعت ایلرکه بودیکرینه مرجحدر .

ایکنجی اصول دولتک دوزیریدن دوزیری به اهالی به مراجعت ایتمه سیدر . بوتقدیرده دولته اهالی یعنی اصل مقرضله مستقرض آراسنده بر واسطه موجود اولش اولماز . اعتباری یرنده اولان و احتیاجی مستعجل اولمایان بر دولتک بواصوله مراجعت ایتمه سی فائده لیدر . بوتقدیرده بانکرلرک بر آز بهالی اولان وساطتدن قورتولش اولور . دولت دوزیرودن دوزیری به اهالی به مراجعت ایتدیکی تقدیرده استقراض تحویلاتی دها یوکسک بر قیأت ایله وضع ایدرکه بواصولک فائده سی بودر . استقراضک تماماً وضع اولوناماماسی وبدلتنک پشیناً تأدیه ایدیه مه مه سی احتمالی ده محذورلری تشکیل ایدر . مع مافیه بوفائده و محذورلر صورت قطعی ده تلقی اولوب مالمایدر . زیرا حکومتک بانکرلر آراسنده مزایده اجرا ایتدیکی زمانده استقراض تحویلاتی یوکسک بر قیأت ایله وضع ایده بیله سی احتمالی دها زیاده در . یوقاریده سویله دیکمز وجه ایله سرمایه پیاسه سنک

احوال و شرائطه دولت بانکرلر درجه سنده واقف دکلدر . دوغرودن
دوغرویه اهالی به مراجعت ایده چکی وقت بانکرلردن اخذ معلومات ایتک
ایسته سه بونلر علاقه دار اولمادقلری ایچین حقیقتی سویله منزل ،
دها دون بر مقدار توصیه ایدرلر . حتی متحداً حرکت ایده رک
استقراضک عقدندن اول بورسده موجود تحویلات سائر دنک
فیثاتلری بیه دوشوره بیلیرلر . کذلک دولت دوغرودن دوغرویه
اهالی به مراجعت ایتدیکی تقدیرده ده تحویلاتک ابتدا کوچوک سرمایه دارلر
طرفدن بلع اولوناجنی و بو صورته دولتک احتیاجی اولان مبالغی کچ
الده ایده چکی ده تماماً دوغرو دیه تلقی اولوناز . زیرا بو تقدیرده ده
دولت تحویلاتک تماماً بدلاتی پشیناً طلب ایتمزسه ، بانکرلر ممکن اولدیغی
قدر فضله تحویلاتی کندی ناملرینه قید ایتدیریرلر ، بوکا مقابل یالکیز
تحویلات فیثاتک پشیناً طلب اولونان قسمی ویریرلر ، صوکر دیکر برشی
تأدیه ایتکه مجبور اولمقسزین فیثاتلرک آرتماسنه انتظار ایدرلر ، آرتجه
بونلری اهالی به صامقه باشلارلر . مع مافیه بوتوسطده مملکتک سرمایه
متداولنده کنیش وررخه آجیلماسنه مانع اولاجنی جهتله فائده سز دکلدر .
دیمک که دوغرودن دوغرویه عقد ایدیلن استقراضات ده تصور
اولونان محسناتی حاصل ایتیهور . یالکیز بونک بر فائده سی واردرکه اوده
اعتبار عمومی یی خلق آراسنده دها زیاده تعمیم ایله مه سیدر . زیرا بونوع
استقراضلر ده منجذ برقاعده واردرکه اوده استقراضک برایکی مثله طالب
بولوندیغی حالده کوچوک مقدارلره طالب اولانلرک طلبلری تماماً اسعاف
ایدیله سیدر . دولت بو صورتله براستقراض عقد ایده چکی وقت مطلقاً
تحویلات ایچین تعیین ایده چکی فیثات ، بیاسه نک اجوال و شرائطه واقف
اولمادیقندن حقیقه وضع اولونابیه چک فیثاتدن دون اولور . بو تقدیرده

مملکتک هر صنف بانکر و سرمایه دارلری طالب اولورلر . حتی بوطالبیری اقتدارلرینک فوقه یعنی بدلنی تماماً تأدیه ایدمه یه جکری بر مقدار قدرده واریر . اوزمان استقراض بر قاج دفعه اور تولمش اولور .

دولت هر کسک مطالباتی تنقبص ایتدیکی ۶۰۰ ، ۸۰۰ فرانق کی کوچوک مقدارلره طالب اولانلرک مطالباتی تماماً قبول ایدر . بوضورتله بونلر بر مدت صوکر ا فیانلرده وقوع بولاجق ترفعدن بهره حال استفاده ایدرلر . و بونک نتیجه سی اولارق کویولور ، عمله لر ، اوشاقلر بوتون ثمره تصرفلریله دولتک اخراج ایتدیکی سنداتی ساتین آلیرلر . اعتبار عمومی بی خلق آراسنده نشر و تعمیم ایدن الک مهم سبب بودر .

بویله اولقله برابرینه دولتک بانکرلر آراسنده مزایده اجراسیله استقراضی وضع ایتمه سی کندی منفعتی نقطه نظرندن ده ا موافقدر . مختلط بر اصول اختیار ایدیلرک اولورسه هرا یکسینک ده محسناتی استحصال اولونابیلیر که بوده هم علناً خلقه مراجعت ایتک ، هم ده مزایده اجرا ایله مکدن عبارتدر . مثلاً دولت عقد ایدرکی استقراضی شوضورتله اعلان ایدر : « ۲۰ میلیونلر راستقراض عقد ایدر حکم . (۱۰۰) غروشی (۹۵) دن آشاغی ویرمه حکم . فقط (۹۵) دن فضله ویره نلر حق رجحانی حاز اولاجقلردر . » صوکر اینه رسمی غزته ایله مثلاً ۹۹ ویره نلرک مطلوبلری تماماً ، ۹۸ ویره نلرک مطلوبلرینک $\frac{2}{3}$ ی ، ۹۷ ویره نلرک نصفی قبول ایدیلرکی اعلان اولونور . شمالی آمریکا ، نووئل زه لاند ، جنوبی اوسترالیا بعض استقراضلرینی بوضورتله عقد ایتشلردر . ایشته بو مختلط اصول دیگر ایکی اصولک محسناتی جامع اولوب محاذیرینی محتوی دکلدر : استقراض بو کسک بر فیئات ایله وضع اولونور تحویلات آز بر مدت ظرفنده تصنیف ایدیلیر یعنی حقیقی مقرضلرک اله کچر . (حال بوکه

دوغروندن دوغرویه اعالی الله وضعی اصولنده تضیف ایچین بر قاج سنه
کچر . بوسنهل ظرفنده تحویلات بانقهلرك النده بولونور . بو ایسه موافق
دکلدر . زیرا بوتقدیرده بر مصیبت حالنده تدنی قیمت دها زیاده اولور ،
دولتده بومدت ظرفنده یکی بر استقراض عقد ایده من .) برده حقیقی
رانتیهلر ایچینده بو اصول فایده لیدر .

بش اون سنه دن بری دولتلر چیقاراجق قری تحویلاتی دوغروندن
دوغرویه بورسده و مال صندوقلرنده صائمق اصولی اختیار ایتشلردر .
وقت صلحده امور نافه ایچین عقداولنه حق بر قاج یوزملیونلق اسقراضلرده
بو اصول ایله حرکت ایدیلک موافقدر . دولت مؤسس بر اعتباری یوقسه
بانکرلرك توسطنه مراجعت ایدر . بانقارلی داخلنده ویا ممالک اجنبیهده
بولونان بورسهلرده معین بر مقدار تحویلاتی صائمه مأمور قیلاربانقهلر
استقراضک بر قسمی معین بر فیات ایله کندی عهدله رینه آلیرلر . مثلاً
یوزده اوچ ، درت فائضی بر استقراضک بر قسمی اولارق آلمق ایچین
بر حق اختیار محافظه ایلرلر . مقاوله نامه عقد اولوندقدن صوکرلر بانقارل
ابتدا قطعاً تمهد ایتدکلری یقہ کندی حسسابارینه آلدق قری تحویلاتی
بورسه نرده صائمه باشلارلر . صوکرده اوزرلرنده حق اختیارلری اولان
اسهامی ساتارلر ، یاخود بونلری دوغروندن دوغرویه دولت حسابنه اولارق
وضع ایتمهک چالیشیرلر . آووستریا ایله مجارستان ۱۸۷۷، ۷۸ ده یوزده ۴ ،
یوزده ۶ فائضی استقراضلری بومسورتلر وضع ایتشلردر اگر دولنک مؤسس
بر اعتباری موجود ایسه بانقهلرك وساطتته مراجعت ایتیهلرک تحویلاتی
دوغروندن دوغرویه بالذات بورسدهده مال صندوقلرنده اعالی یه ساتار . یوقایده
سویله دیکمز کی صلح زمانلرنده عقد ایدیلن و جسم بر مقداره بالغ
اولمایان استقراضات ایچین بو اصول موافقدر . اولاً بانکرلرك توسطنه

لزوم قالماز، ثانياً عمومی بر استقراضك موجب اولاجنی كورولنیلردن مصون قالینیر، ثانياً دولت احتیاجی اولان مبالغی همان کونی کونه تدارك ایدر، رابعاً اهالی هیچ بر زحمت چکمه یهرك، وقت غائب ایتمه یهرك بولونقلری محملرده کائن مال صندوقلرینه مراجعتله ایستمدکلی قدر سندات آلیرلر، خامساً سندات تماماً برلشدیریلنجیه قدر دولتنه اعتبارنده وقوع بولاجق هر طرفدن استفاده اولونور.

اشته استقراض تحویلاتی شو مختلف صورتلرله موقع تداوله وضع ایدیلیر. هر دولتك عقد ایستیکی استقراضانده بونلرك هانکیسنی ترجیح ایستیکی اوزون اوزادی به بسط و تفصیل ایله بکدن بالاجتاب دولتك مقرضلردن تحویلات بدلاتی بردن ویاتقسیمت ایله ایستمدکی اصوللردن هانکیسنگ موافق و مرجح اولدیغنی تدقیق ایدلم:

بدلاتك مقرضلردن بردن طلب اولونماسی بونلرك بر احتیاطسزلق اولدقدن باشقا دولت ایچین بر فائده ده تأمین ایتمز. اولاً مملکتده بوش دوران سرمایه لرك مقداری دولتك طلب ایستیکی مقداردن دون اولماسی احتمالی پك قویدر. ثانياً مملکتك سرمایه متداولدن آیریلان مبالغ بر قاج کون خزینده محفوظ قالاجقدرکه بونلرك ده فنا، آغیر نتیجه لر تولید ایدمه یللمسی ممکندر.

دولت استقراض ایدمجهکی مبالغه بر آنده محتاج اولمادیغندن هپسینی بردن طلب ایتمکده بر فائده ده ملویظ اولاماز. پشیناً مهم بر مقدارینی آلمق و معین وعده لرده کسورینك تحصیل اولوناجفمه امین اولمق کافیدر. بوتقدیرده هم مملکتك سرمایه متداولی پك آزمائش، همده استقراضك بر قسمی تصرفات جدیده ایله اورتولمش اولوره مع فایده دولت هر مقرضك اقراض ایدمجهکی مبالغی معین وعده لرده تماماً تأدیه ایدمجهکنه دائر تأمینات

قطعه آلمایدر . تحویلات بدلتك خمسى ، ربى پشینا آلیناحق اولورسه دولت حقیق مقرضارله ایشه کیریشدیکنی آکلار . شاید بونلر بالاخره دیگر تقسیطلری ویرمکدن امتناع ایدرلرسه تحویلاتك قیمتده وقوع بولاجق تناقصی دولت اولجه آلدینی بی ایلله تلافی ایلر .

حال حاضرده دولترك عقد ایتدکلی استقراضاتك بر محذوری ده یالکز احتیاجات فوق العاده لری ایچین مقتضی مبالغی استقراض ایتیهوب استقراضك هر درلو مصارفی و برچوق سنهك فائضی ده علاوه ایتلیدر . حال بوکه بومصارف وفائض عادى بودجهك وارداتیلله تسویه اولونمالی ، بوصورتله دیون عمومیهك قاپارماسنه مساعد ایدیللمه لیدر . اگر بودجهك فضله وارداتی یوقسه بومصارف وفائض یکی ویرکیلر حاصلاتیلله تسویه ایدیللمه لیدر . عجباً بر دولت استقراض عقد ایده جکی زمان بوکا قارشی معین بر منبع واردات تخصیص ایتله لیدر ؟ بو طرز حرکتده کنیدی ایچین و مقرضلر ایچین بر فائده وارمیدر ؟

بعض دولتلر بواصولی اختیار ایدرلر ، بعضلری ده عقد ایتدکلی عموم استقراضاتی واردات عمومیه ایلله تسویه ایدوب بونلرک هر برینه آیری آیری بر منبع تخصیص ایلله مزلر . انکلترده اولجه برنجی اصول جاری ایدی ، fonds کله سی بوندن نشأت ایتشد . هرخصوص ایچین تعین ایدیلن واردات سنویه بونام ایلله کوستریلیدی . اوزمان هراستقراض ایچین ، بونك فائضی تأدیه به تخصیص ایدیلن هر ویرکی ایچین آیری بر حساب طوتولوردی . حال بوکه بعض ویرکیلرک حاصلاتی مطلوبدن زیاده ، بعضیسنککی آز اولدینی کورولهرك بو اصولدن فراغت ایدیلش و اوتره - خت مصالحه سندن صوکرأ مختلف شجبات واردات بر قاج (Fonds) ده طوبولانمشدر . بالاخره هپسی جمع وتوحید ایدیلرک Fonds consolidé

نامی ویریلدیکی کبی بونلر اوزرینه مستند اولان سنداته ده قونسولیده Consolidés دئیلشدر. بواصول واضع قانونی هراستقراض عقدایدیشنده بونک فائض ورأس المالنی تأدیه ایچین برمنبع واردات بولمه مجبور قیلقدیه ایدیهده بونک مقابل حساباتی تشویش ایله مکده ایدی ومقرضلر ایچین قوی ومعتبر بر تأمینات یرنی طومتایوردی . زیرا بونلرک اللرنده دولتی تخصیص ایتدیکی وارداتی استقراضک تأدیه سنه صرف ایله مک مجبور قیلاجق بر قوت یوقدی .

بوکون بعض دولتلرجه حالا بواصول اختیار ایدیلکده در .

۶

دیونه عمومی

هر هانکی دولتک دیون عمومی سنه باقاجق اولساق بر طاقم صنفله آیریش اولدیغنی کورورز . عجبا بر دولتک مختلف شکلده دیونه مالک اولماسی ایدر ؟ یوقسه عموم بورجلرینک ، تعهداتنک عینی شکلده بولونماسی ؟ دیون عمومی نی تشکیل ایدن تحویلاتنک مخالف شکلی دولتک اعتبارنی تزید ایدرمی ؟ یوقسه بو تحویلاتنک یکنساق اولماسی اساسات مالیه وحسن اداره خزینه نقطه نظرندن دها موافقیدر ؟

بو سؤاللره جواب ویرمزدن اول نظر دقته آلتیق لازم کلن بر نقطه واردرکه اوده هیچ بر دولتک دیون عمومی سنک هب بر شکلده اولاماسیدر . یوقاریده سویله دیکمز وجه ایله دولتلر یا قیصه یا اوزون وعده ایله استقراض ایدرلر . بو استقراضاته مقابل میدان تداوله اخراج

اولونان تحویلات ، رانت سنداتی ، خزینہ سندلری دہ یا مؤبدآ یا پک اوزون مدت ، یا خود بر ایکی سنہ ، بش آتی آئی تداول ایدر . بو ایکی نوع دیونہ محتاج اولمقدن مصون قالاجق بردولت تصور اولوناماز . بناءً علیہ طبیعت مصلحت دیونک ایکی یہ آریٹاسنی استلزام ایدیوز .

وحدت دیون طرفدارلری قیصہ وعدہ لی خزینہ تحویلاتی مستنا طوتارق عینی بردولتک اوزون وعدہ ایلہ عقد ایستدیک کافہ استقراضاتک عینی طبیعت وماعیتدہ ، عینی شکلدہ اولماسنی آرزو ایلہ مکدہ درلر . زیرا بردولتک یوزدہ (۳، ۴، ۵) فاضلی دیون محکمہ سی بر قاج صنف قابل اطفا تحویلاتی ، اوزون وعدہ لردہ تأدیہ اولوناجق خزینہ سنداتی ، خصوصی شرائط داخلندہ و واردات قارشیلیق کوستریلرک عقد اولونمش خفی استقراضاتی تشوشہ ، امور مالیہ نک مغالم بر حالہ قالماسنہ ، اھالیجہ اسپکولاسیون معاملہ سی اجراسنہ سبب عد ایدیوزلر .

دیون عمومیتک تخانی طرفداری اولانلردہ اولا بوسایدہ دولتک اعتباری تزید و تحکم ایدیله جکنی سویلہ یوزلر . سرمایہ دارلرک ہپی عینی طبیعتدہ آدملردکلدرلر ، عینی مسلکی تعقیب ایتمزلر . بردولتک رانت سنداتی مختلف شکللردہ اولورسہ عموم سرمایہ دارلرک انظار رغبتی جلب ایدیلر . ثانیاً بردولتک عینی شکلدہ بر چوق دینی اولنجہ بونلردن باشقا بر شکلدہ اولارق میدان تداولہ اخراج ایدہ جکی یکی تحویلاتی دھا قولای وضع ایدر . بردہ یکی اخراج ایدیله نلر اسکیلرلہ شدتلی بر رقابت اجرا ایتہ بکشدن اسکیلرک قیمتلری پک آز دوشورورلر . ثالثاً بعض احوالہ دولت معین بر ایش ایچین خصوصی بر شکلدہ استقراض عقد ایلہ مکدن پک زیادہ مستفید اولا بیلیر . زیرا استقراضک مصروف

اولاجنی ایشده علاقه دار اولان اشخاص دولته موافق شرائط داخلنده اقراضاتده بولونورلر .

کورولویورکه تخالفك له و عاينده بولونانلرك كنديلرينه مخصوص دليللري وارددر: بزم بو بابتده توصيه ايده جكمز شي ديون عموميه تحويلاتنك مفرط بر صورتده تخالفندن و مطلق بر وحدتن امتناع ايديلكدر . بوسايه ده هم بويوك بر تشوش حاصل اولماز ، همده معتدل بر تخالفندن حصوله كله جك منافع محافظه ايندش اولور .

شو جهت آكلاشيلدندن صوكرا ديون عموميه نك تقسيماتندن بحث اينده لم : ديون عموميه باشليجه بش قسمه آيلير : (۱) ديون محكمه كه اولكي بابتده بوندن بحث ايندشيدر ؛ (۲) معين بر مدتده قابل اطفاء تحويلاتندن ويا ثابت بر وعدهده تأديه ايندشيك سنداتندن متولد ديونكه عيني بابتده بوندن ده بحث اولونمشيدر . ؛ (۳) اكثريا خفي Acculte اولان ديون خصوصيه ، ياخود تماماً خصوصي بر طاقم وسائله تسويه اولونان ديون ؛ (۴) ديون عمريه ؛ (۵) ديون متوجه .

صوك اوچ قسمي صيرا ايله تفصيل اينده لم :

بونلردن برنجيسي دولتك اهاليدن ويا بالمازايده بانقارندن عقدايتمه يوب بعض آتونيم شركتلردن ، تجار و اصحاب املاك سنديقارندن عقدايتديكي استقراضات ايله بعض شركتلرك ميدان تداوله اخراج ايتديكي تحويلاته تأمين ايتديكي فائضلردر .
Garantie d'intérêt.

بونوع استقراضات خفيه دولته بهاليه مال اولاجني ، دولت شركتيره الى الابد فائضدن تأمين ايدوجك يرده براستقراض عقد ايدوب بو صورتله تدارك اينده جكي مبالغتي شركته و برسه ياخود اواموري بالذات ايفا ايتسه ده موافق بر حر كنده بولوناجني ملاحظه سيله بو

استقراضات ده غایت فنا نظرله باقائلر واردر . بوعتراضات اکثریا وارد اولایایرسه ده دولتر بعضاً بوصورتله استقراض عقد ایتمکله مهم بر منفعت احراز ایده بیلیرلر . بوندن دولای بوقسم استقراضات مستثنای بر صورتده ، همده کال اعتنا ایله عقد اولونمقی لازمدر .

دولت لرك اكثر يا امور نافعہ دن متولد اولان بونوع دیوتی ایکی یه آیرابیلیرز : بری هر سنه ویریله جك مقداری اولدن معلوم اولان دیون ؛ دیگر ی بومقدار اولدن معلوم اولمایوب تشبثك تولید ایده جکی کارك درجه سنه کوره تزايدو تناقص ایدن دیون . عجا بر دولتك بونوع دیونه مالک اولماسی اییدر ، فامیدر ؟ بوبانده بالطبع قطعی بر جواب ویریله من . بو دیون بعضاً ای ، بعضاً فنا اولاییلیر . ا کر استقراضات صرف منافعی عمومی ویا محلی اولان قائلر ، لیمانلر کی خصوصات نافعہ ایچین عقد اولونور و بونلرك وجوده کتیریله سنده علاقه دار اولانلر دولته محتاج اولدینی مبالغی عقد ایده جکی علنی بر استقراضه ویره جکی فائضدن دها آز بر فائضله اعطایه موافقت ایلرلر سه اییدر . فرانسه ده دولت بر چوق امور نافعہ یی بوصورتله تجارت اودالرینك ، شهر لرك معاونت لریله و بالنسبه نقصان فائضلی استقراضات ایله وجوده کتیره بیلشدر .

بالعکس دولت علناً استقراض عقد ایتمدیکی تقدیرده دها آز بر فائض ویره جك ایکن صرف استقراضی کیزلی طوتوق ایچین فضلہ بر فائضله عقد ایلر سه بو حرکتده بالطبع فنا اولور . زیرا بوصورتله هم بودجه یه دها آغیر بر یوک تحمیل ایدییلیر ، همده استقراضك کیزلی قالماسی کی اساساً ای اولمایان بر معامله ده بولونولور .

دولتك فائض تأمین ایتمه یوب بر استقراض ایله اله ایده جکی مبالغی تماماً شرکتك اله ویره سی یا خود عملیات لازمه یی بالذات اجرا ایله مه سی

يك موافق بر حرکت كې تلقى ايديله من . زيرا دولتك هر سنه تأمینات ناميله ویردیکې مقدار قومپانیا ایچین بر بورج ، همده فائضی بر بورجدره . یونی شرکت امتیازی ائساننده تأدیه ایدمه سه بیله دولتک النده قومپانیانک موادعادی و متداوله سی بر تأمینات مقامنده بولونور . برده بو تأمینات پاره لرینی دولت عادی بر بودجه وارداتیه تأدیه ایدمه بیلیر . اسکیدن دولتک اعتباریه قومپانیالرك اعتباری مساوی اولمادینی بر زمانده قومپانیانک بالذات استقراض عقد ائتمه سی فائضك زیاده لکی دولایسیله دولتک هر سنه تأدیه ایدمه جکی مقدارك فضله اولماسنی ایجاب ایدردی . حال بوکه یوگون قومپانیالرك اعتباری ده دولتک اعتباری درجه سنه چقمشدر .

دیون عمریه استمندن ده آکلاشیلاجنی اوزره بعض کیمه لرك مدت حیاتلریله محدود اولارق تأدیه ایدیه جک دیوندن عبارتدر . بودیونک آلاچقیلیری دائما تجدد ایتدیکندن بر دولتک دیون عمریه سی عادتادیون مؤیده دیمکدر . دیون عمریه بر قاچ صورتله وجود بولاییلیر : (۱) دولتک ایراد عمری صورتیه عقد ایتدیکې استقراضاتدن ؛ (۲) مأمورین ملکیه وعسکریه نك تقاعد معاشرندن ؛ (۳) بر وقعه سیاسیه دن متضرر اولان کیمه لره مدت حیاتلرنجه باغلانان تخصیصاتدن ؛ (۴) اسارت محاربه سندن صوکرأ شمالی آمریکا دول متحده سنك یایدینی کې بر چوق کیمه لره تخصیص اولوتان مکافات ملیه دن ، (۵) بر وقعه سیاسیه دن ناشی اولمقسزین بعض مشاهیره ویا بونلرك غائله لرینه قید حیات ایله تخصیص اولوتان پاره لردن عبارتدر .

استقراضاتدن متولد اولان دیون عمریه یی آیراجق اولورساق دیکر لرینک دولتک دیون عمریه سندن معدود اولامایه جنی تظاهر ایدر . زيرا بونلرك بر قسمی الی الابد تأدیه اولوناجنی کې بر قسمینک ده ویرکیدن

ماعداء متقابل بر وارداتی وارد در . حال بوکه دیون عمومی جدول لرزنده
 بوارادات کورولم دیکندن دولتك بونوع دیونی ایچین آیری بر حساب
 آچاسی لازمدر .

مع مافیه هر مملکتده دیون همریه قسمده شو ذکر ایتدیگمز دیونك
 کافسی سندرج اولدیغندن یونارك اك مهمی اولان تقاعد معاشاتی حتمده
 براز تفصیلات ویرهلم : عجبا دولت اسکی مأمورلرینه تقاعد معاشی
 ویرملمیدر ؟ یوقسه مأمورلرینی خصوصی بر سیغورطه قومانیاسنه
 ویره جکلی تقاسیط سنویه ایله اختیارلقارنده اعاشه لرینی تأمین ایله جهك
 بر تصرفده بولونوب بولونماقمده مختارمی بر اقالیدر ؟

بك چوق کیسه لر تقاعدلهنده اداره کلام ایدهرلك اوتوز قرق سنه حیاتی
 دولت خدمتده کچیرمش بر آدمك اختیارلغنده باشقارلرینه معاونته محتاج
 قالماسی حسیات انسانیه موافق اولمادیقی ؛ تقاعد سایه سنده آرتق ایش
 کورمکه اقتداری قالمایانلرک یرینه کتج مأمورلر آلینه رق شعبات اداره نك
 دها فعال الاره مودوع اولاجقی ، تقاعد دولته مأمورلری آراسنده
 غایت قوی رابطه لر حصوله کتیره جکلی سوبله یورلر .

تقاعد اصولنك علمهنده بولوناندرده بر دفعه دولت مأمورینه کیره ن
 آدمك اذواق واستعدادات شخصیه لری خلافتده اولسه یله تقاعد امیدیه
 بو خدمتلرینی ترك ایدمه یه جکلی ، تقاعد الفا ایدیه جهك اولورسه
 هر مأمورك حرکاتنده سربست قالا جقی ، دولته ده بوسایده فضله مأمورلری
 آتمقدن بر ضرره اوغرامیه جقی ، هر کسك مأموریت آرقاسندن قوشمایه جقی
 ادعا ایدیورلر .

اسویچره ده مأمورینك حق تقاعدی یوقدر . آمه رقای شمالیده
 مأموریتلر دائماً الدن اله کچدیکندن مأمورین ملکیه ایچین تقاعد یوقدره .

فقط دیگر مملکتلرک همینی اختیار مأمورلر و بونلرک ایتم واراملی ایچین
تقاعد اصولی قبول ایتمشلر در .

تقاعدی بوراده حقوق نقطه نظرندن تدقیق ایتمکدن اجتناب ایدهرک
یالکیز مالیه نقطه نظرندن تدقیق ایدهرک . عجبا دولت مأمورینک تقاعد
معاشاتی نه صورتله تأمین ایدر ؟

بو بایده بر قاچ اصول واردر . یا مأموریندن هیچ برشی توقیف ایدهرکسزین
کافه معاشاتی دولت تأدیه ایدر . بو تقدیرده تقاعد چالیشامایان مأمورلره
ویریش بر معاشدن عبارت اولور . یا خود مأمورلر خدمتلرینی ایفا
ایتدکلری اثناده دولت بونلرک معاشاندن توقیفات اجرا ایلر . فضلہ سنی
کندیسی تأدیه ایدر . اوچینجی بر صورتده توقیفاتک وهر سینه دولت
جانبدن ویریلرک تخصیصاتک بر صندیقه تودیننی بوسندیغک ده طوللادینی
مبالغی فائض صرکله ایشلهدهرک تقاعده مستحق اولانلرک معاشاتی توزیع
ایتمه سیدر .

تقاعد مسئله سنده موجود اوچ اصولدن برینه انکیز اصولی ،
دیگرینه آلمان اصولی ، اوچینجی سنده فرانسه اصولی دینیلیر .
انکلتزده مأمورلرک حق تقاعدلری واردر ؛ تقاعد معاشاتی کاملاً
دولت تأدیه ایدر . بعض احوالده دولت بر دفعهیه مخصوص اولارق بر
سرمایه ده ویریر .

مأمورلر حق تقاعده قانوناً مالک اولدکلری ایچین دولت بو حق
آصلاً انکار ایدهر . اگر ایدهرک اولورسه مأمور محکمه به مراجعت
ایدهرک دولتی کندیسنه تقاعد معاشی اعطاسنه مجبور قیلا بیلیر . مع مافیه
بونک ایچین معین اولان سنه (۶۰) واصلی اولمق اقتضا ایدر . بویاشدن
اول مأموریتی ترک ایدهن آدم آنجا مقعاول اولدیغنی شهادت طیه ایلر .

اثبات ایدرسه تقاعد معاشی آلابایر . برده مأموریتلرنده بك زیاده
سوء حالری کوروله نلر بومعاشدن محروم قیلینرلر . تقاعد معاشاتی
ایچین مأمورین معاشلرندن توقیفات اجرایی اولجه انکلترده اصولدن
ایسه ده ۱۸۵۷ دن بری بواصول الفا ایدیلش واوزمانه قدر وقوع بولان
توقیفات صاحبزیننه اعاده اولونمشدی .

دولتک مأمورلره حیات محتمله لرینی نظر دقته آلاق بر دفعه لقی بر
سرمایه اعطا ایتمه سی اصولی ۱۸۶۹ ده اتخاذ اولونمشدر . ابتدا ضابطان
بریه و بحریه ایله بویکی نظارت مستخدمینه مخصوص اولان بواصول
بالا خره تله غراف مستخدمینی ایله مأمورلرینک الفا ویاتنسقندن دولایی
آچیقده قالب تقاعد معاشنه مستحق عد ایدیلنه نلرده تشمیل ایدیلشدر .
آلانیاده مأمورین شرائط قانونیه تحتنده ، حق تقاعده مالکدر ، یعنی
بو حقلرینه مالک اولقی ایچین محکمه یه مراجعت ایده بیلرلر . تقاعد معاشتی
کاملأ دولت ویریر . آلمانیا ایمپراطورلقی تشکیل ایدن دولتلرک هیچ برنده
مأمورینک ذاتلرینه مخصوص تقاعد معاشاتی ایچین توقیفات اجرا اولونماز سه ده
باویه را ، وورته مبرغ ایله بادغر ان دو قالغی بونلرک ایتم وارانلنه ویریله جک
معاشات ایچین توقیفات اجرا ایله مکده درلر . دیگر دولتلرده بو خصوص
ایچین ده توقیفات اجرا اولونماز .

فرانسز اصولنه نظر آینه مأمورینک حق تقاعدی واردر ؛ فقط
تقاعد معاشاتی کاملأ دولت درعه ده ایتز ؛ مأمورین ایضای خدمت
ایتدکری ائنده معاشلرندن توقیفات اجرا اولونور .

هرکسک مأمور اولقی حق اولدینی کی هر مأمورکده حق تقاعدی
واردر . لکن فرانسز اصولنده مأمورین ملکیه ایله عسکریه تفریق
ایدیلشدر . مأمورین عسکریه اولأ - قانوناً تعیین ایدیلن احوال مستثنا

اولارق - مأموریتلرندن طرد ایدیله مزلر، ثانیاً قانوناً معین اولان مدت خدمت ایفا ایدیلد کدن صوکر ا کندی آرزولری خلافتده اولارق خدمتلرنده ایفا ایدیله مه دکری کبی قانوناً معین اولان سنه واصل اولدقدن صوکر ا حتی آرزو ایتسلر بیله خدمتلرنده ایفا ایدیله مزلر . حال بوکه مأمورین ملکیه اولاه هر زمان مأموریتلرندن اخراج ایدیله بیلیرلر ، بوصورته تقاعده نائل اولق ایچین ایجاب ایدن شرائط قانونیه نی ایفادن محروم قیلینیرلر . ثانیاً بونلر قانوناً معین اولان سنه وارمازدن اول حتی تقاعده مظهر اولق ایچین لازم کلن مدت خدمتی ایفا ایتمش اولسلر بیله کندی آرزولریله مأموریتلرینی ترک ایدمه مزلر . بونک ایچین هر دأرده ناظرک مساعدده سی لازمدر . ناظرده هر هانکی بر سبیه منی بومساعدده نی اعطا ایتیه بیلیر . استعفا ، عزلده حق تقاعددن محرومیتی موجبدر .

تأدیات جهتته کلنجه : فرانسه ده مأمورین تقاعدی ایچین آیری بر صندوق یوقدر ، هر سنه تقاعد مصارفی دولتک عادی بودجه سنده مقیددر . مأموریندن وقوع بولان توقیفات نه درجه ده غیر کافی کلیرسه او مقدار ایچین دولت تخصیصات ویریر . بناء علیه تقاعد خدماتی فرانسه ده تخصیصات تحدیدیه دن اولمایوب هر سنه مجلسلرک اثنای تعطیلنده امر نامه لرله تخصیصات منضمه کشاد ایدیله بیله جک خدمات فهرستده مقیددر . فرانسه نک بوکونکی اصولی بر سیغورطه اصوله هیچ بکزه مز . چونکه دولت سیغورطه لرده اولدینی کبی وقوع بولان توقیقاتی فائض مرکله وضع ایتمه یور ، بونلر دن بر سرمایه تشکیل ایله مه یور . فرانسه ده یالکز ناظرلر ، مشاورلر ، شورای دولت اعضاسی ، پره فیه وسو پره فله معاشلرندن توقیقات اجرا اولونمادی نی حالده ینه تقاعد معاشی آلیرلر .

ایشته تقاعد معاشاتی حقنده شو تفصیلاتی ویرد کدن صوکر ا دیون عمومی نک صوک قسمی اولان دیون متوجه یه کچلم :

دیون متوجهه ایکی سیدن تولد ایدر . برنجیسی اولکی اکزرسیس و بودجه آچیقاری ، ایکنجیسی ده سسنهك معین بر زماننده واردات ایله مصارفك عدم تقابلیدر .

بر اکزرسیس و بودجهك ختامنده مصارف واردادن فضله اولورسه بو آچیق دیون متوجهه ایله قابلیر . متوالی بودجهلك آچیقاری کیندجه طویلانهرق دیون متوجهك مقداری بو صورته تراید ایدر . اوزمان بونك بر قسمی تحکیم اولونور . یعنی اوزون وعدهلی ویا مؤبد ایرادلی بر استقراض جدید عقد ایدیلیر . دیون متوجهك تراید متعادیسی مطلقا بو نتیجهنی حصوله کتیریر . بناءً علیه دیون متوجهی ، بو نقطه نظرده « مختلف بودجه اکزرسیسلیرنك تراکم ایدن آچیقاری مجموعی ، یاخود بو آچیقارلك استقراضات عمومیه ایله و یادیکر اکزرسیسارلك فضله وارداتلریله اورتولمین قسمی » دییه تعریف ایده بیلیرز .

دیون متوجهك ایکنجی سببی ویرکیرلك وقت وزمانیله تحصیل ایدلمه مەسی ، یاخود هر ایده تحصیل اولونان قسمك مصارف لازمه مەساوی اولماماسیدر . امور مالیهری منتظم اولان مملکتلرده یالکزر ایکنجی حال ظهور ایدر . بو تقدیرده دولت تداول ایتدیریهلجك بر سرمایه مە محتاج اولور . بو سرمایه بی ده عقد ایده جکی دیون متوجهه ایله تدارك ایلر . هر حالده مهارتله ، احتیاط ایله اداره اولسان ، مالیه سی متین بر اساسه استناد ایدن مملکتلرده بومنشادن متولد دیون عمومیهك مقداری کیندجه آزالمقدهدر .

بر دولتك دیون متوجهی زیاده اولورسه اداره مالیه سنك بر دوره اضطراب کچیردیکنی ویا کچیرمکده اولدیفنی آکلارز . عقد ایده جکاری استقراضات عمومیهی قولایجه وضع ایده مەیه جکربنی بیلن دولتر دائماً

بو نوع دیونه مراجعت ایدرلر . بانکرلردن عقد ایستدکری قیصه وعده لی استقراضات خفیه ایچین یوکسک فائضلر ویردکدن باشقا تأمینات اولارقدده یا اراضی ، یا انحصارلر ، عدم تأدیه حالنده صائیلاجق رانت سنداتی ویریرلر . دیون متوجه برملکت ایچین بویوک بر تهلکه تشکیل ایدر . زیرا بونوع دیونک اولا فائضلری یوکسکدر ؛ ثانیاً وعده لری دائماً جزئی اولدیفندن هر آن طلب اولونابیلیر ؛ ثالثاً دولتک امور مالیه سنی مظلم بر حالده بولوندورور .

امورمالیه سی حسن تنسیق ایدیش مملکتلرده اعتبار عمومینک تزایدی دیون متوجه نک مقدارینی تنزیل ایدر . نیته کیم انکلتزده بر آراتق دیون متوجه نک سرمایه سی دیون محکمه سرمایه سنک یوزده یاریمی راده سنه اینمشدی . دیون متوجه باشلیجه شو ذکر ایتدیگمز شیلردن تولد ایتدیگمه ایسه ده هرملکتک بوصف دیوننده مختلف بر طاقم بورجلرده تصادف ایدیلکده در .

فرانسه دیون متوجه سی اوچ قسمدن مرکدر : (۱) تأدیه اولوناجق سندات ، (۲) دولته وقوع بولان امانات ، (۳) مال مأمورلرینک آوانسلیری .

برنجی قسم ۳ ، ۶ آی ، برسنه وعده ایله تأدیه اولوناجق خزینه سنداتندن مرکب اولوب هرسنه بودجه قانونی مالیه ناظرینه خزینه معاملاتق ایچین بوثابت وعده لی سنداتک اخراجنه مأذونیت ویریر و اخراج اولوناجق مقداری تعیین ایدر .

ایکینجی قسم قانوناً آجیقده بولونان سرمایه لرینی خزینه یه تودیع ایتدیگه مجبور اولان مؤسساتک آلاچقلرندن مرکدرکه بونلره *Gréance Passive* دنیلیر : تصرف صندیقلری سرمایه لری ، امانات و حوالات صندیقی

سرمایه لری ، نواحی سرمایه لری ، تقاعد صندوق لری سرمایه لری ، معاونت متقابل شرکتهای سرمایه لری کی .

فرانسه در برچوق تصرف صندوق لری وارد ، افراد بوضد قلم وضع ایتدکاری مبالغ ایچین فائض آلدق لندن بالطبع صندوق لری بومالنی ایشله تمکه مجبوردر لر . بناء علیه کندیلرینه تودیع اولونان پاره لری امانات وحوالات صندوق Caisse des dépôts et consignations دینله ن صندوق تودیع ایدر لر ، بوضد قلم تصرف صندوق لری مودوعاتی ایچین بر فائض ویرر . تصرف صندوق لری بوضد قلم آلدق لری فائضه کندی مصرف لری تسویه ایتدکن صوکره فضله سنی ده مودع لره فائض دیه ویرر لر . امانات وحوالات صندوقی ده تصرف صندوق لری فائض ویرمک ایچین کندیسنه تودیع ایدله ن مبالنی ایشله تمکه مجبوردر . بونک ایچنده ایکی واسطه یه مراجعت ایدر : یا بومالنی حساب جاری صورتیله خزینه یه ویرر ، یاخود رانت سنداتی صاتین آیر . مودوعاتی اعاده ایده چکی زمان اولاحساب جاری صورتیله خزینه یه ویردیکی مبالنی استرداد ایدر ، ثانیاً بو کافی کلر سه جزؤ داننده کی رانت لری نقده تحویل ایلر .

اوچنجی قسم مال مأمور لرینک خزینه یه وقوع بولان آوانسلرندن عبارت اولوب بوکا مقابل بر Bonification آلیر لر .

برده فرانسه ده لیسته قولله ژصان دق لریله یوللر ایچین ده پارتمان وقومونلره دولت طرفندن وقوع بولان آوانسلره مقتضی مبالغ دخی دیون متموجه ایله تدارک اولونور .

سائر مملکتلر ده دیون متموجه داخلنده بونلره آز چوق مشابه بر طاقم بورجلر واردر .

۷

اطفای دیونه

بر دینک رأس المالنی هر سنه بر مقدار ویره رك تأديه ایتمكه اطفای
 دین دینلیر. اطفای دین ایتمك بردولتك ادا باشلی وظائفند. كرك ناموس
 و حیثیت ، كرك منفعت بونی ایجاب ایدر . امور مالیهك حسن اداره
 ایدیلدیكى هر سنه آمورتیسمان ایچین بودجهده کنیش بر موقع بولونمقله
 معلوم اولور . فقط بر بطن عقد ایتدیكى استقراضاتی کنديسندن صوكر
 كلهجك بطنه تحمیل ایتمك صلاحیتی حائز دكلدر ، دیه نلرك شو اداالرنده
 افراط واردر . هر بطن اسلافندن آلدینی میرانه کنیدی ثمرات مساعی
 وتصرفی ده علاوه ایدهرك خلفه ترك ایدر . اكر اجرا ایتدیكى ضمايم
 ترك ایلهجكي باردیونه نسبتله بك زیاده ايسه بوكا هیچ بر شی دینله مز .
 زیرا اعمال ومساعینك تولید ایلهدیكى بيك دورلو منافعی ترك ایتدیكى
 كبی ، ياكلش حركتلرندن ، ياخود دوره حیاتیهسندده تصادف ایتدیكى
 بعض احوال مشكله دن ناشی عقد ایلهدیكى بورجلارك بر قسمتی ده ترك
 ایتمسی مقایر حیثیت وناموس بر حركت اولماز . حال بوكه ترك ایدهجكي
 دیون اعمال ومساعی ذاتیهسیله حصوله كلهن يكي ثروتلردن فضله اولورسه
 اوزمان بك فنا ، بك یاقیشما یاجق بر حركتده بولونمش اولور .

آمورتیسمانی ایجاب ایددن بر سبب سیاسی ده واردر . هیچ بر بطن
 کنديسندن صوكر كلهجك اولان بطنلرك نه كبی مهالك ومخاطرات
 قارشيسندده بولوناچغنی نیلز ؛ حال بوكه دیونی كثیر اولان بر دولتك

مناسبات بین المللده موقعی ، اهمیتی آزالیر ؛ حرکتانده سربستیس قالماز .
 بناءً عليه دولترك اضطراب و بحران زمانلرنده اعتبارده سهولتله مراجعت
 ایده بیلرلی ایچین آرقالرنده کی بار دیوندن مصون بولونمالری لازمدر .
 وقت صلح و مسالمنده اطفای دینه چالیشان بر دولت حرب زماننده قولایچه
 استقراض عقد ایده بیلیر .

آمورتیسمان لهنده سرد ایدیلن اوچینجی بر سببده صرف مالیدر .
 دولت اخراج ابتدیی رانت سنداتی صانین آلیرسه اسهام عمومیه نك
 یوكسك فیأنده قالماسنه ، مملكتده فائضك تنزلنه خدمت ایدر و بوضورتله
 استحصالاتی تسهیل ایله مش اولور . دییه نلرك بوا دعالر نك حادئات اقتصادی
 یاكلكش تدقیق ایتكدن نشأت اتمش اولدیغی آشاغیده كوره جكز .

آمورتیسمان لهنده بودلیلر کثیرلدیگی کی علیهنده بعض اسباب
 ذکر اولونا بیلیر . یوقاریده سوبله دیکمز کی آلتون و کوموشك تدنی
 قیتی ، ثروت اجتماعیه نك تراید متمدنسی تأدییه اولونمایان بر دینك بطون
 مستقبله جه تخفیف بارینی موجب اولور .

بونلری مزج ایده جك اولور سه ق شو نتیجه یی چبقاریرز : سرمایه لری
 مبذول اولان ، تکالیفی تجارت و صنایعک ترقیسنه حیولت ایده جك درجه ده
 آغیر بولونمایان مملکتلر آمورتیسمانه رعایت ایتمه لیدرلر . لکن اطفای
 دیون ایله حصوله کله جك منفعت دیگر بر ضرردن ده دون اولاجقسه
 بالطبع آمورتیسمانی ترك ایله ملك ایجاب ایدر . مثلاً بر مملکت آغیر ویرکیلرك
 بار محملقر ساسی آلتنده از ملکده ایسه اوراده آمورتیسمان اجزا ایتك
 ایچین سربستی تداوله مانع اولاجق ، صنایع و تجارتک ترقیسنی سکنه دار
 ایده جك بر طاقم ویرکیلر طرح ایتك جائز اولماز . زیرا موجود آغیر
 ویرکیلر ایضا ایدیلیر ، یا خود یکیدن بر طاقم فاحش تکالیف وضع اولونورسه

مملکتده ثروت عمومیه نك ترايدينه خلل كيتيريلير . حال بوكه ثروت عمومیه نك ترايدى آمورتيسمان اجرا سندن دها مهم ودها نافعدر .
بناء عليه بردولت آمورتيسمان اجرا ايتزدن اول اصول ماليه سنده استحصالاتى خللدار ايدى چك بعض ويريكلر موجود اولوب اولماديغنه باقالي ، شايد وارسه ابتدا بونلرى الفا ائلكه چاليشمالير . اقتصاد نقطه نظرندن سرد ايديله چك مطالعه قطعيه بودر . مع مافيه بعضاً سياست بوقاعده دن رجوعى ايجاب ايدى بيلير .

آمورتيسمان ايچين باشليجه اوچ اصول واردر : (۱) فائض مركب اساسنه استناد ايدن آمورتيسمان ، (۲) تقسيطله اجرا ايديله ن آمورتيسمان ، (۳) بودجه فضله سيله اجرا اولونان آمورتيسماندر . بونلرى صيراسيله تدقيق ايدلم :

۱ . — معلومدركه فائض مركب اصوليله كوچوك بر مبلغ آرادن اوزونجه بر مدت كنججه پك يوكسك بر مقداره بانغ اولور . دولت بورجنى تدريجاً تاديه ايچين هر سنه معين بر مبلغ تخصيص ايدى چك يرد فائض مركبله تنقيه ايديله چك بر مقدار آييرير . بونك ايچين بر صندوق تأسيس ايدى دك هر سنه عيني مقدار مبلغى اورايه وضع ايدر . صندوق بومباليله ديون عموميه سنداقى صاين آير ؛ بوسنداق فائضلري بر يره صرف ايديله دك بونلرله ديه ديون عموميه سنداقى اشترا اولونور . ايسته بويله جه فائض مركب اصوليله صندوق عموم استقراض سنداقى طويلار . فرض ايدى دلم كه دولت اطفاف ايدى چكى دين (۱۰۰) مليون فرانقدر . اگر دولب هر سنه بر ميلون فرائق ويره دك بونى اطفاف ايتك ايسترسه آنجا ق ۱۰۰ سنده موفق اولور . حال بوكه فائض مركب اصوليله سنده بر ميلون فرائق ويرمك شرطيله — شايد فائض يوزده بش ايسه — ۳۶ سنه ۲۶۱

کونده ؛ یوزده درت ایسه ۴۱ سنه ۱۲ کونده بورچندن قورتولور .
 بواصولده موفقیت حصولی بالطبع ایکی شرطه متوقفدرکه برنجیسی دولتک
 هر سنه بر میلیونی تأدیه ایتمه سی ، ایکنجیسی ده صندوق طرفندن ضاتین
 آلتین سنداتک فائضلرینی منتظماً و بر مکنده دوام ایله مه سیدر . حتی بونلری
 تأدیه ایتک ایچین استقراض عقد ایتک مجبوریتنده بولونسه بیله ینه تردد
 ایتمه ملیدر چونکه فائض بسیط ایله عقد ایده جکی بر استقراضدن فائض
 مرکله مستفیداولاجقدر .

ایشته پرایس نامنده برانکلین بواصولی شوصورتله بسط وایضاح
 ایدیور . حال بوکه ینه انکثرده روبرت هامیلتون ، ریتاردو ، لورد
 غره نویل بو حساباتک یا کلش اولدیفنی اثبات ایتشلردر .

اولا صندوق هر سنه پیاسه دن رانت سنداتی طویلانجه بونلرک
 مقدارلری آزالیر ؛ عددجه وقوع بولان بو تناقص قیملرینک تزیایدنی ،
 بوتزایدده فائضک تنزلنی موجب اولور . بونک نتیجه سی اولارق آمورتیسمان
 پرایسک فرض ایتدیکی مدت قلیله ظرفنده وقوع بولاماز .

ثانیاً فائض مرکب اصولیه آمورتیسمان اجراسی دولتلی تسخیر
 ایده جکندن آرتق عقد ایده جکلری دیونک مقدار اعتباریسنه اهمیت
 ویرمزله ، پزدن آشانی استقراضاتده بولونورلر .

ثالثاً آمورتیسمان صندوقی نه قدر آیری بر مؤسسه اولورسه اولسون
 دولتک احتیاج جالنده بورایه مراجعت ایتمه می پک ممکن التصور بر شی
 دکلدز .

رابعاً دولت صندوقک اشترا ایده جکی فیأله استقراض عقد ایده میه جکی
 ایچین ، مقرضلرینه بر منفعت کوسترمک مجبوریتنده بولوندیفنی ایچین پرایسک
 صندوقه بر میلیونی وفائضلری تأدیه ایله مک اوزره دولتک استقراض

عقد ایتمه سنه بيله جواز کوسترمه مه سی یا کلشدر . زیرا بوتقدیرده دولتک
اوجوزجه اخراج ایده چکی سنداتی صندیق بهالی صاتین آلیر . ایشته بو
اسبابه منی پر ایسک تصور ایندیکی اصول دولتک اصلا استعمال
ایدمه به چکری بر اصولدر .

۲. — بو اصولک خاصه ممیزه سی ، فکر اساسی شورد: « دولتک
اطفا ای دین ایتمه مه سی بوبابده بر مجبوری بولونما سندن ناشیدر .
آمورتیسمان مجبوری قیلینه جق ، استقراض مقاوله نامه سنه بوبابده بر شرط
درج ایذیله چک اولورسه دولت هر سنه اطفا ای دین ایدر . زیرا بویک
مغایر بر حرکنده بولونورسه استقراض مقاوله نامه سنه تجاوز ایتش
اولورکه بوده افلاسی انتاج ایدر . ایراد عمومی صورتیله ، بر مدت
صوکر فائضی ختام بولق اوزره اخراج اولونان تحویلات ایله ، موقت
کشیده لرله اطفا ایذیله چک تحویلات ایله عقد اولونان دیونک آمورتیسمانی
بو اصولله اجرا ایذیلیر . موقت کشیده لرله اطفا اولونان دیونک
آمورتیسمانی ایچین ده بر قاج اصول واردر : اولاً رأس المال و فائض
ایچین سنوی بر مقدار تعیین ایذیلیر . ایلك سنه فائضنک مقداری زیاده
رأس المالك حصه سی آز اولور . سنه لر کچدکجه ، تحویلات اطفا
ایذیلدکجه فائضنک حصه سی آزالیر ، رأس المالك کی چوغالیر . فقط بو
اصولده کشیده لر اوزون مدت دوام ایدر ، اطفا ایذیلن تحویلات ایچین
اینجه حسابات طوتمق ، بونلرک فائضلری تکرار تأدیه ایذیله مک اوزره
غایت دقتله حرکت ایله مک لازمدر .

بوندن دها آرقاریشیق بر اصول ، استقراض سندانک ترتیلره آیرتلا سیدر .
مثلاً ۱۰۰،۲۰۰ ترتیدن هر برینه ۱۰ بیک تحویل قونولور . هر ترتیب
بر دفعه ده احصا ایذیلیر . بوتقدیرده ۱۰ بیک نومرو برینه بر نومرو

چکیلیں و فائض تادیہ ایدہ جک اولانلر (۱۰) بیك نومرویه باقاجق برده یالکز ترتیبک نومروسنه باققله اکتفا ایدرلر . بو اصولده سنوی مقدار ثابت اولاجق برده متحولدر . فرض ایدلم که یکرمی سنه مدتلہ هر سنه یوزده اوج فائضلی ۱۰۰ فرانقلق ۱۰ بیك تحویلدن مرکب بر ترتیب امحا اولوناجق ؛ ایکنجی یکرمی سنه مدتلہ سنهده یکرمی بیك تحویلدن مرکب ایکی ترتیب اطفا ایدیلہ جک بوراده هر سنه تقسیطک مقداری آزادلاجق ؛ فقط بر دورددن دیگر دوریه کچیلنجیه بردن بره آرتاجقدر . برنجی دورہ نك برنجی سنه سنده صرف امور تیسمان بدلی $10000 \times 100 =$ بر میلون ؛ ایکنجی سنه سنده امور تیسمان و فائض (برنجی سنهده اطفا ایدیلہن تحویلاتک فائضی تادیہ اولونمایاجنی ایچین) بویك فرائق دها اکسینک اولاجق و یکرمنجی سنهده قدر بوصورتلہ کیده جک . حال بوکه یکرمی برنجی سنهده کچیلنجیه یالکز امور تیسمان ایچین ۲ میلیون ویریلہ جک . یکرمی ایکنجی سنهده امور تیسمان و فائض اولارق ۶۰ بیك فرائق اکسینک تادیہ اولوناجق . بو اصولده امور تیسمان همه حال اجرا اولونمق لازمدر : دولت ضرورت و مضایقهده بولونسه بیلہ استقراض عقد ایدہرک امور تیسمان اجرا اتمه لیدر . حال بوکه استقراضی دها آغیر شرائطله عقد ایدہ جکنندن بوبله زمانلرده بو ایکنجی اصولده دو قوتور پرایس اصولنک تولید ایتدیکی نتیجه نی حصوله کتیریر .

۳۰ — بودجه نك فضله وارداتیلہ اجرا ایدیلہن امور تیسماندر . ژان بایست سه حقیقی امور تیسمانک بوندن عبارت اولدیننی یازیور . حال بوکه بونی اجرا ایدہ بیلنک ایچین دولتک همه حال ایراد مؤبد صورتیلہ استقراض ایتمه سی لازمدر . چونکه یالکز بوتقدیرده زمان تادیہ یی بالذات تعین ایتک حقیقه مالک اولور . بونوع دیونک نه کی مشکلات تولید ایدہ جکنی ایسه یوقاریده کورمشدک .

انكلتره، آمريكا، فرانسه دولترنده امور تيسمانك صورت اجراسنى مختصرآ تدقيق ايدرسهك بواصوللردن هانكيسنه رعايت ايديلديكنى كورورز. انكلتره. — انكلتره دولتى امور تيسمان نقطه نظرندن درت بويوك دور اصرار ايتمشدر.

(۱) ۱۷۱۶ — ۱۷۸۶ در. بو دورده استقراضات اوچ صنفه آيريلش وهر صنفه بعض تكاليف وارداتى تخصيص ايديلش، يعنى هر صنف ايجين آيرى بر صنديق وجوده كنيرلشدى. بو صنديقلر فائضلى تأديه ايتدكن صوكر ابقه وارداتى امور تيسمان صنديقنه ويرمكه مجبور ايديلير، بو صنديقده پياسه دن رانت سسنداتى صاتين آيردى. بودجه توازن ايتديكى مدتيجه، ۹۶، ۱۷ سنه، بواصول دوام ايتدى. فقط بودجهده آحق كورولمكه باشلاينجه، بو آحقلر امور تيسمان صنديقندن آلمان مبالغه قاپاندى. خلاسه بواصولدن انكلتره بر فائده كورمهدى.

(۲) ۱۷۸۶ — ۱۸۲۹ دركه بودورده دوقور پرايسك اصولى موقع اجرايه وضع ايدلشدر. آله سنه دولت بواصوله رعايت ايده بيلش فقط ۹۳ ده فرانسه محاربهسى باشلايوب بودجه آچيني يوز كوسترنجه امور تيسمان ومصارف حربيه ايجين هر سنه استقراض عقد ايديلك مجبوريتى حسن اولونمشدر. حال بوكه اشترا اولونان سندات يوزده ۴۶۵ كتيرديكى حالده بكي استقراضات يوزده بشله عقد ايديليوردى. ۱۸۲۸ ده بواصولك فنانى آكلاشيلاق واز كچيلدى.

(۳) ۱۸۲۹ — ۱۸۷۵ در. بودورده امور تيسمان يالكز بودجهده فضله واردات اوانجه اجرا ايديلش، اشترا اولونان رانتلر در حال احيا اولونمش واصحاب تحويلاتله بعدالذاكره مؤيد رانتلر بر مدت صوكر فائضى قطع اولوناچق سنداتله افراغ قيلنمشدر. اكر بويابده اشكل ايتمش

اولان قومیسبونک توصیه‌سی وجه‌ایله هر سنه فضله وارداتک اوچ میلیون لیراسی امور تیسمانه تخصیص ایدیلسمه‌یدی انکلتزه ده‌ا پک چوق بورجدن قورتولمش اولوردی . حال بوکه پارلمنتو ویرکیری الفا و تخفیف ایله مکی ترجیح ایتدیکندن و ۱۸۴۹ — ۹۹ سنه‌لی آراسنده دیون قومیسرلی یکریمی بر سنه تعطیل معاملات ایله دکرندن انکلتزه بواسلا حاددن دولایي بوکونه قدر آنجاچ بر میلیار ۷۸۲ میلیون فراق بورج تأدیه ایده‌یلدی . ۰۴ — ۱۸۷۵ ده باشلایوب حالادوام ایدن دوره در . بودوره ده دیون عمومیه ایچین ۲۸ میلیون لیرالق تخصیصات سنویه پارلمنتو طرفدن دفعه انتخاب و تصدیق اولمشدر . بومبلغه ابتدا دیون عمومیه فائضری تسویه اولونور ، بقیه‌سی ایله رانت سنداقی اشترا ایدیلیر . بودجده آچق اولدینی سنه‌لر آمورتیسمان یا بیلاز . مذکور ۲۸ میلیون ۱۸۸۵ ده (۲۵) میلیونونه تنزیل ایدیشدرکه حالا مرعی اولان مقدار بودر .

اوچنجی اصولده بودردنجی اصولله برلکده جاری اولمقده در . بوندن ماعدا انکلتزه بواسولرله برابر ایراد مؤبدلری ایراد عمری ویا بر مدت صوکر فائضری قطع اولوناچق ایراد حاله افراغدن واز کچمه‌مشدر . ۱۸۹۸ ده انکلتزه‌نک بورجی ۱۵ میلیار ۳۲۵ میلیون فراقدن عبارتدی .

آمریکا . — آمریقاده دیون عمومیه عادتاً بر سرعت برقیه ایله احاطفا اولونمشدر . بونقطه نظر دن آمریقاده اوچ دوره امرار ایشدر .

(۱) ۱۷۹۰ — ۱۸۰۲ درکه دو قنور پرایسک ملاحظاته اتباع

اولونمشدر . بوندن آمریقاده انکلتزه کی هیچ بر فائده کورمه‌مشدر .

(۲) ۱۸۰۲ — ۱۸۶۱ درکه یالکز فضله وارداتله آمورتیسمان

اجراسی تقرر ایتشدر . آمریقانك مدهش فضلہ وارداتی سایه سنده ۱۸۳۴ ده دیون کاملاً احیا واطفا اولونمش و بوسنده دن صوکر ا فضلہ وارداتك خزینہ دولته ترا کمی کبی فوق العاده ، مستثنای بر وقعه قارشیسنده بولونولشدر . اوزمان موقع اقتدارده بولونان فرقه نك افکار سیاسی بی بومالک امور نافعیه صرفه مانع اولدیفندن آمریقا متر ا کم پاره لری نه صورتله استعمال ایده جکنی شاشیر میشدی . نهایت قونفره بوفضلہ نك مجلسده کی اعضا لری نسبتده اولارق دول متحده ارا سنده تقسیمه قرار ویردی . (۱۸۳۶) اوج تقسیطده ۲۸ میلیون دولارتقسیم ایدیلدی . فقط دردیجی تقسیط تأدیہ اولونامادی بو صیراده مملکتده بویوک بر بحران مالی ظهور ایتدی ، نقداً تأدیات منقطع اولدی ، خزینہ تحویلاتی اخراج ایدیلکه باشلادی ؛ بوصورتله دولتك بورجی آرتدی . (۱۸۶۱) ده اسارت محاربه سی ایله اوچنجی بر دوره آچیلدی .

(۳) ۱۸۶۱ ده باشلایوب زمانزه قدر دوام ایدن دوره در . یو آری بر اصول کبی تلقی ایدیله من ؛ بر آره لقی منقطع اولان اوچنجی اصولك دوامندن عبارتدر . ۱۸۶۱ ده ۵۴۵ میلیون فرانقندن عبارت بولونان دیون ۱۸۶۵ ده ۱۴ میلیارد ۲۲۹ میلیون ۵۳۸ بیک ۱۳۰ فرانقه بالغ اولمشدی . بوتون بو استقراضاتده - ۲۰ ؛ ۱۰ - ۴۰ سنه مدتله عقد ایدیلشدی . محاربه نك ختامنی تعقیب ایدن ۱۴ آی ظرفده فضلہ واردات او قدر چوق اولدی که دولت بر میلیار ۳۰ میلیون فرانق بورج تأدیہ ایده بیلدی . ۱۸۷۰ ده تقریباً (۹) میلیارد اینه ، ۱۸۹۲ ده (۲) میلیارد ۹۳۰ میلیوندن عبارت قالدی . فقط بوتاریخندن اعتباراً تکالیفك تنزیلندن ، اسارت محاربه سنده استخدام اولونانلره تخصیص

ایدیلان معاشات و فیره دن ناشی بودجه ده آچیق کورولمکه ، دیونک مقداری ده یوکسه لمکه باشلادی . اسپانیا محاربه سی ده آمریقایی یکدن ۴۰۰ میلیون دولار بورجه صوقدی .

ایشته آمریقا تاریخچه سی ده بزه کوستریورکه حقیقی آمورتیسمان آنجاق فضله واردات ایله اجرا اولونور .

فرانسه . — آمورتیسمان نقطه نظرندن فرانسه بش دوره اسرار ایتشدرد .

(۱) برنجی دوره ده تعدیلات متوالیه ایله برآمورتیسمان صندیقی تشکیل اولوندی . فقط بو صندیق دو قنور پرایسک افکار و مطالعاته ابتناء تأسیس ایدیله مشدی . دولت پاره به محتاج اولدقچه صندیقه مراجعت ایتدیکننن فرانسه ایچین بواصولدن شیخ بر استفاده حصوله کلمدی .

(۲) ره ستوراسیون دورنده دو قنور پرایس اصولجه برآمورتیسمان صندیقی تأسیس ایدیلدی . بواصول موجنبه هر سنه صندیق به پوسته حاصلاتندن ۲۰ میلیون فراتیق آیلای تقسیطلرله اعطا اولوناجق ، صندیق هر آی آلدینی مبالغه بورسه فیاتجه تحویلات اشترا ایده جک ، بوتحویلات آرتق اصلا موقع تداوله وضع اولونمایاجق ، صاتیلمایاجق ، فاضلریله تحویلات جدید صاتین آینه جق ، صندیق مستقل بر مؤسسسه عد ایدیله جکدی . بالاخره اشبو ۲۰ میلیون قیدی ، تمغا ، اموال امیری به پوسته وارداتندن آلتیق اوزره ۴۰ میلیونه ابلاغ اولوندی .

راجی پهردن فضله اولان سنداتک اشترا ایدیله مه سنه قرار ویریلدی ، بو آمورتیسمانک تعطیلی ایچین یک مساعد بر سیدی . ۱۸۲۵ دن ۱۸۳۰ سنه سنه قدر اشترا ایدیله جک سنداتک صانین آلدقچه دفتر کیردن چیز یله سی و بونلرک دولت منفعتنه اولارق الفالری ده تقرر ایتشدی .

و تقدیرده فائض مرکب یالکز ۱۸۱۶ دن ۱۸۲۵ سنه سنه قدر اشترا ایدیلدن
سندات حقند جاری اولوبوردی. فرانسه حکومتی مشکلاته رغماً آمورتیسمانی
تعطیل ایتدی. فقط دیگر طرفدن دهها آغیر فائضه استقراض عقد
ایتدیکندن دولته بوندن بر فائده حاصل اولمادی.

۱۸۳۳ قانونی پەردن فضله اولان اسهام و تحویلانات صاتین آلینامسی
قاعده سنی تأیید ایتدی و آمورتیسمان صندیفنک تخصیصات سنویه سنک
مختلف فاضلی رانتلر آراسنده سرمایه اعتباریلری نسبتنده تقسیم اولونماسی
اصولئی وضع ایله دی.

دولت بومدت ظرفنده دهها مالی استقراضاتده بولوندیغندن بواصولدن ده
بر فائده حاصل اولاماش، ۱۸۶۶ ده ینه دو قنور پرایس اصولنجیه
فقط دهها مشوش بر مقانیزما ایله یکی بر آمورتیسمان صندیفنی تأسیس
اولومشدر.

لکن بوندن ده بر فائده کورولمیه دیکندن، بورج آنالاجق یرده
تزايد ایتدیکندن فرانسهده بواصولدن تماماً فراغت ایتدی.

(۳) اوچنجی اصولک موجودی تیهردر (۱۸۷۱). تیهر حقیقی
آمورتیسمانک فضله وارداتله اجرا ایدیله جکئی دوشونه رک؛ فضله
وارداتک ایسه آنجاق، یکی ویرکیلر طرح ایتمکله استحصال اولوناجفی
فکرنده بولونارقی آمورتیسمان ایچین ۲۰۰ میلیونل یکی ویرکی طرحی
مساعده سنی طلب ایتدی.

بارله متوبو مساعده یی ویردی. لکن ارادن درت بش سنه کچجه پارلمنتو
امور عظیمه نافع پولیتقه سنی تعقیبه باشلادیغندن تیهرک تشبثی عقیم قالدی.
(۴) ۱۸۷۵ سنه سنده لرون سنه ک همیله بعض دیونک بر مدت صوکر
فائضی کیسه جک بورج حاله افرانغی وموقت کشیده لرله اطفا ایدیله جک.

تحويلات اخراجی صورتلریله آمورتیسمان اجراسنه باشلاندی . بو اصوله ایدیلەنك باشلی اعتراض خزینەنك بودجه آچیق اولدینی سنەلردهده استقراض عقد ایدەرك آمورتیسمان اجرا ایتك مجبوریتندە بولونماسیدر . نیتە کیم ۱۸۸۳ - ۹۵ سنەلری آراسندە بوحال وقوع بولمشدر .

(۵) ۱۸۹۶ دە باشلایوب حالادوام ایدەن اصولدر . هر سنە بودجه یه آمورتیسمان ایچین بر مبلغ قید اولونور . فقط بو طریقده کمال سربستی ایله حرکت ایدبلەمە یور . بو اصول ایله دردنجی اصولک محسنا تندن مشترکاً مستفید اولونمغه غیرت ایدیلور . نیتە کیم ایراد مؤبدك بر مدت صوکر ا فائضی کسبلەجك دیون حانە تحویلی فکری بو غیرتک نتیجە سیدر . ۱۹۰۱ بودجه لایحه سنده مالیه ناظری موسیو قاییو بوبله بر تکلیفده بولونمش و بو تکلیف بودجه قومیسونی طرفندن قبول اولونمشدر .

فرانسه نك بوكونکی دیون عمومی سی ۳۰ میلیار فرانقدر . ایشته بورایه قدر اوچ دولت معظمەنك دیون عمومی لرینی اطفا واحما ایچین انخاذا ایتدکری اصوللردن بحث ایتدك . بو تفصیلات شہسز هر استقراضك بر مقاوله دیمك اولدیغی ودولتلك بو مقاوله احکامنە رعایتە مجبور بولونقلرینی اظهار ایله مشدر . فقط بعض دولتلر داینلرینە مدیون اولدقلری مبالغك مقدارینی جبراً تنزیل ایتدیرمك تشبثندە بولونقلرندن بویادە برایکی سوز سویله مك لازمدر :

افراد آراسندە عقد اولونان مقاولات مشروعه نه درجەده مرعی - الاجرا ، واجب الایفا ایسه دولتلكده عقد ایتدکری مقاولاتە رعایت ایتملری او درجەده واجب و ضروریدر : هم ناموس ، همده منفعت حقیقیه بونی استلزام ایدر . شہسز بر دولت ادوار حیاتیە سندنە تأدیة دینە مقتدر اولامایاجق بر حال ایچندە بولونابیلیر . لکن معروض اولدینی

بومشكلات دولایسیله کندیسنك حق افلاسه مالك اولدیغی ادا ایتك لازم کلز . بویه بر ادا ، بر آدمك افلاس ایتسی ممکن اولدیغی ایچین بورجی اوده مه مك حقسه مالك بولوندیغی ادا ایتكه بکزرکه باطلدر . اکر بردولت تأدیة دیندن امتناع واستنکاف ایدرسه افلاس ایتمش اولورکه بوده یا کلی باجزئی اولور ؛ افلاس کلی تقدیرنده دولت بورجلی کمالاً انکار ایدرهك دفتر کیرندن چیز ؛ افلاس جزئی تقدیرنده ایسه بر بورجك شرائطی جبراً تبدیل ایدلهرك دولتك منفعتنه دها موافق برحاله افراغ اولونور .

۸

تحويل دیونه

تحويل دیون یوکسك فاضلی بر دینی آز فاضلی بر دینه ؛ ایراد مؤبدلی ویا اوزون وعده لی دیونی دیون عمریه به تبدیل و افراغ ایتمکدن عبارتدر . فرض ایدهلر که دولت بر بحران زماننده یوزده بش فاضله استقراض عقد ایتكه مجبور اولدی و آرادن بر مدت کچجه ، سکونت سنه لری کلنجه ، یوزده ۳،۵ ، ۴ فاضله استقراض عقد ایتك امکانی وجود بولدی . بو تقدیرده دولت مقرضه لری اقراض ایتدکری سرمایه به مقابل کندیلرینه ویریلن تحويلاتك قیمت اعتباریه سنی اخذ ایلهمکده ، یا خود یوزده ۳،۵ ، ۴ فاض قبول ایتهمکده مختار براقیر . اکر حق اختیار بخش ایتزسه تعهداتنده خلف ایتمش ، یوقاریده سویله دیکمز کی قسماً افلاس ایلهمش اولور .

بر دولت ایچین تحويل دیون معامله سی هم فائده لیدر ، همده مهم

بر وظیفه تشکیل ایدر . مثلاً یوزده درت فائضی ۵۰ میلیون لیرا بق
 بر دین اولسه بوتک فائض سنویسی ۲ میلیون لیرا ایدر . ۱ کر دولت
 بونی یوزده اوچ فائضی بر دینه افراغ ایده بیلیرسه تأدیه ایده جکی فائض
 سنوی ۱,۵ لیرایه اینر . بوصورتله تصرف ایتدیکی یاریم میلیون لیرایی
 دیون عمومیه سنک تأدیه سنه حصر و تخصیص ایلر . یعنی بودجه سنه فضله
 بر بار تحمیل ایتمکسزین هر سنه اولکندن یاریم میلیون لیرا فضله بودج
 اوده مش اولور . ایشه دولتک منفعتی بوصورتله نظامر ایدر .